

橫溪漫錄

橫溪漫錄卷四

古吳 徐鳴時

大哉友乎。組織仁義。磨礱道德。金石不足諭其堅。琴瑟不足諭其和。蘭茝不足諭其臭。膠漆不足諭其固也。叔世彞叙漸泯。心計轉爭。比于鷹鷂。淵壑昔人謂山林之交。與朝市異。既不能脗山林而與之同。焉得不析朝市而與之異乎。夫因五交生三譽者。孝標之所以廣絕交也。訪叅笑追六逸者。本峻之所以定交議也。山林之人。豈徒流連光景。繾綣蘿薜而已哉。六惟希聖室。

于靈臺。悟空花于智府。展棠棣之華敷。敷蒼蠅之鳴躍。欲愉樂
于長年。恤陵夷于儕輩。高不絕俗。卑不同流。洵城市之贅肱。實
山林之異鼎也。

昔李建勛之有竹居也。則琴磬南華。湘榻曰嶧陽友。曰泗濱友。
曰心友。曰夢友。晤言一室。閒無其人。或者羲皇之侶乎。王梅溪
詩曰。三百清錢一株菊。移置窻前伴幽獨。南來何以慰相思。有
此歲寒三友足。此則三友也。白樂天之為友。則詩也。酒與琴也。
夫詩思琴心。相知不淺。錦囊錄綺所志良深。至有娛于酒者。呼

為紅友。為玉友。宋魯端伯以花為十友。酴醾。韻友。茉莉。雅友。瑞香。殊友。芍藥。艷友。桂花。仙友。海棠。名友。梅花。清友。梔子。禪友。菊花。佳友。荷花。淨友。王僧虔謂褚先生從白雲。朋。松石。介于孤峰。絕頂者數十年。嘗以松石為友。米元章見立石。稱奇。呼為石友。而下拜。世有畸客。每作賓主于山靈。品屬幽人。亦許莫逆于鷗。鹿。侶。魚。蝦。而友麋。鹿。子。瞻。既友于麋。鹿。買溪友之白魚。子美既友于漁子。此皆于無機之境。卜物外之交。開獨徃之精神。不言之契。真素心玄賞。絕影遺塵者也。至若醉吟先生與嵩山僧如。

滿為空門友。平原常整客為山水友。彭城劉夢得為詩友。皇甫
朗之為酒友。每遇恩歸。命曰四友。孔淳之居會稽剡水。而性好
山遊。必窮致。與徵士數人俱為物外之友。或定交于杵臼。或
結好于金蘭。或以小友忘年。或于白頭傾蓋。嗚呼。友道如斯。可
以結友矣。然而太虛為燈。日月為燭。四海共處。孰分往來。此張
子同以六合為友也。道德為甫。神明為母。清淨為法。太和為友。
此陸法士以方外為友也。德不孤而有鄰。心同道而為朋。此又
得交于方之內外者也。如此亦稱如雲之勝友矣。

陸象孫謂投名刺既稱頓首不當復言拜然周禮辨九拜之儀一稽首二頓首注稽首拜頭至地也頓首拜頭叩地也又奇拜一拜也褒拜再拜也肅拜但俯下手即今之揖也好奇者有稱肅拜不知自處于倨而稱頓首者亦無所不可

李潛謂唐世郊天祭地止于再拜其禮至重不可加而以婦拜姑章必四為非禮然則彼時不行四拜也方于處士每拜必三時謂之方三拜朱文公孫為淮東提刑與顯者書必云萬拜時謂之朱萬拜皆可一笑

偶閱嚴氏籍沒之數臆記古之富者太史公以貧致官刑故津
津貸談殖也以貴而富其最著者秦魏冉呂不韋楚黃
歇漢霍光張安世張禹王鳳等五侯董賢梁冀董卓曹騰
等魏曹洪晉石崇王愷王濟徐湛之阮佃夫梁蕭宏朱
异羊侃北魏元禧元雍元琛元融李崇隋楊素唐裴
寂李林甫楊國忠郭子儀常璩裴冕元載李德裕王涯楊收
吳越孫承佑蜀李昊宋蔡京梁師成韓世忠張俊楊沂中
史彌遠韓侂胄賈似道元燕帖木兒伯顏朱清張瑄其無訛

者僅郭汾陽韓蘄王耳。

能自力致富者 陶朱公白圭猗頓巴寡婦臨邛卓王孫程
鄭宣曲任氏茂陵袁廣漢平陵士孫儼東海糜竺平邑王氏洛
陽劉寶長安王元宝王酒胡孫鄒鳳熾即鄒駱駝元倪瓚顧瑛
明沈萬三皆著史傳甚詳

卓王孫家僮千餘人程鄭析國石崇俱八百人袁廣漢九百人
王氏五侯刁達田萬頃楊素馬萬匹各數千人高陽王雍六千
人郭汾陽三千人呂不韋坐廩萬人

考功記金有六齊。六分其金而錫居一，謂之鐘鼎之齊。五分其金而錫居一，謂之斤斧之齊。四分其金而錫居一，謂之大刃之齊。三分其金而錫居一，謂之制殺之齊。金錫半，謂之鑒燧之齊。按上金中金下金皆可和齊。獨錫性柔而體易化，不能相入，豈記所謂錫者非今錫耶？

兄弟狀元。自陳堯叟、陳堯咨外，有孫何、孫僅、廷試、宋祁第一兄。郊第三，而唱名時，太后改郊第一，亦可稱兄弟狀元矣。父子狀元，獨宋果顯及固。

唐右拾遺竇叔向有五子祭酒常司業牟中丞群刺史厚中丞輩五季諫議大夫竇禹鈞有五子尚書儀侍郎儼補闕侃叅知政事儼起居郎儻二家名位才望俱相等今人但知有燕山而不知有補闕也

郭子儀以司徒中書令關內河東副元帥河中尹靈州大都督單于鎮北大都護朔方節度關內支度鹽池六城水運大使押蕃部并營田及河陽道觀察等使汾陽王冊拜太尉贈太師謚忠武八子顯者四太子少保代國公曜太子賓客趙國公晞太

常卿代國公曖金吾大將軍祁國公曙西平李晟以司徒中書
令鳳翔隴右涇原節度營田觀察處置等使兼行營副元帥西
平王丹拜太尉贈太師諡忠武十三子而顯者六四河中節度
使愿嶺南節度使憲魏博節度師平章事涼國公愬河中節
度使聰西平功名壽考亞于汾陽而四子則小勝與汾陽埒者
太尉侍中臨淮武穆王李光弼功名雖盛而晚成有差與西平
埒者司徒侍中莊武王馬燧功烈忠猷皆不及也

宋諫議大夫贈太子少師陳去非長子右僕射前同書門下平

章事樞密使贈侍中謚文忠堯叟次太子太師前同中書門下
平章事贈司空侍中謚文惠堯佐天雄節度使贈太尉謚康肅
堯咨一相中書一長樞密一為侍從而堯叟堯咨復狀元俱建
節徽猷閣學士謚忠宣洪皓長子尚書右僕射同中書門下平
章事謚文惠适知樞密院謚文安遵端明殿學士謚文敏邁父
子兄弟俱知制誥而皓以徽猷适以觀文遵以資政邁以端明
俱學士終

叅知政事太子少師謚忠獻韓億子尚書僕射同中書門下平

章事司空贈太傳謚獻肅絳門下侍郎太子少師維尚書右僕
射中書侍郎太子太保贈司空績兩為宰相兩為執政樞密使
侍中贈中書令謚武惠曹彬子河陽節度使同中書門下平章
事贈中書令謚武懿瓘彰武節度使贈侍中瑋定國軍節度
使贈侍中謚忠恪琮兩登樞宥兩列環衛分贈兩省之長億
八子彬七子餘各顯官可為文武之極致

父子丞相周勃子亞夫韋賢子玄成曹操子丕斛律金子光

史浩子彌遠

父子太師王舜子匡史浩子彌遠月赤察兒子低頭馬扎兒台
子脫明則張輔張懋

佩六國相印者蘇秦五國相印者犀首六國上將者公子無忌
五國上將者項籍

漢世五為三公者胡廣四為三公者楊賜三為三公者黃瓊楊
彪唐五入相者蕭瑀裴度崔胤四入相者韋巨源姚崇常安石
三入相者武承嗣武攸寧盧欽望武三思李懷遠崔湜劉幽
求張說張延賞王鐸鄭畋五季三入相者馮道宋五入相者

蔡京三入相者趙普呂蒙正呂夷簡張士遜文彦博

後漢以三公為真宰相唐以平章事為真相四代至三公者漢楊

震子秉子賜子彪俱拜太尉為上公賜雖以司空終獨封

侯三代三公者太尉安國亭侯袁賜子司空逢子太尉大傳

隗三代拜相者唐中書令河東侯張延賞左僕射同平章事

魏郡公中書侍郎同平章事高平侯弘靖此外雖蕭氏之

八葉亦未有的傳至三世者若司馬太傅懿相國昭相國炎錢

太師鐸元瓘倣皆可稱三世三公然權政強藩非由勲德

父子配享廟庭者唐太師西平王李晟太尉涼國公李愬宋中書令濟陽王曹彬侍中瑋尚書令魏郡王韓琦太師儀國公忠彥

父子俱宰相或大將位望俱極隆者漢丞相絳侯周勃丞相條侯周亞夫吳丞相荊州牧婁侯陸遜大司馬荊州牧婁侯陸抗北齊左丞相咸陽王斛律金左丞相咸陽王斛律光其次則常賢常玄成李邵李固袁安袁敞王懿王暢蘇瓊蘇頌韓休韓滉李吉甫李德裕韓琦韓忠彥呂夷簡呂公著差亦可紀

宋石守信以檢校太師使相領陳州節年五十七卒于鎮子保吉歷中外亦以檢校太師使相領陳州節年五十七卒于鎮守信贈尚書令保吉贈中書令可稱奇事

三尚公主者宋彭城王劉昶仕魏至大將軍前後尚武邑建興平陽凡三公主

六世尚主者魏大尉穆崇子大尉觀尚宜陽公主觀子征東大將軍中書監肅尚樂陵公主肅子中書監平國尚城陽公主平國子中書監熙尚新平公主熙子尚書令司空亮尚中山公主